

# ASKATASUNAREN SEMEEI

## AIEZKOAKO MENDIETAN

Aiezkoako mendietan  
Auiamendiren magalean  
Iratiko oihanaren itzalean  
bihotzaren erdian  
euri, elur eta laiño  
laiño guztien artean  
zegoen eta dago.

bakardadean  
ixilean, lo



Orbaizetako ola  
Orbaizetako fabrikaren ondarra  
eta oroitzapena.

Tegi baliosa  
altxor preziatua,  
karlistek eta liberalek  
borrokatutakoa,  
osinean amildu eta gero  
finean  
edozein aizeren menpekoa.

Zure azken atsaren lekuko  
Telleria zuzendaria  
zure magalean ehortzia  
Xangoaren bakean  
labeen ondoan  
fago batzuen azpian,  
sabeleko suaren getari  
hillik ere zeletan.

Orbaizetako ola  
gure amets arriztatua  
gure itxaropen urtua  
hor zaude  
zu zara  
mendien erdian  
euri, elur eta laiño  
gure aragi urratuaren  
ondar hil eta bizia,  
Orbaizetako ola zahar  
eta berria  
gure izatearen oroitarría,



## ORBAIZETAKO ARMA OLAREN KANTUA

Orbaizetako arma-olaren  
horma zaharrak  
suzko ekaitz dardartsu guziak  
jaurtikiaz jasanik,  
kondaira urratu baten  
ezaugarri bezala,  
xoilki,  
bakardadean geldituak.

Beren baitatik ohizko bidean  
erreka iheskorra badao,  
harriez maitemin eta lehen-minez  
eten gabeko joanean,  
ezetasun orlegiz  
itzala jauntziak,  
eta uraren murmurio zoroak  
hantxe du aurkitzen  
oihartzunaren lillura.

Nortasun sarkorra darion  
yaure sendoa,  
gure nahi eta ezinezko izate autsiaren  
irudi apurtua.

Zahartuegia dagoen  
gure ez izatearen mina  
ixurtzen ari den sabel sofitrua,

Eta eguneroko bakardadean,  
ixil ixilean,  
nehor ere ohartu gabean,  
suzko, burdinezko eta zipzakko  
oroitzapen zaharrak  
kopletan jalgitzen dira  
hormetan erroak dituzten zuhaitzetan gora.

...Eta basoilarrik kantatzen du  
Iratiko basoan.

## OTARTXO UTSA

Mendian ari da  
kukua kantari;  
Basoa ta Itzala  
elkarren maitari;  
Mitxeletak, ilkor-  
ezik beren ustez,  
badabilta an ta or  
lur apaindu gainez...  
Zumezko otartxo  
udaberria izan  
ta, nola gaixoa,  
zaude baxterean?...  
Yun baita, betiko  
yun, aitaren poza.  
Loreak biltzeko  
ez izaki gauza.  
Beso biguin aiek  
gogortu baitziran,  
ta itzali begiek  
gau etengabeen...  
Zumezko otartxoak;  
erraidazu arren,  
uts duzun ondoak.  
Ez ote, bederen,  
loreño bat aaztu  
zure sabelean;  
aita dadin poztu  
bere negarrea?  
Lore bat gorria,  
mardul, eze. beti;  
erts-ezin zauria  
odolezko idurik...  
Oroitzezko lore,  
lartan biotzeko,  
itzali den nere  
izarrarentzako.

## BIZKAIA MAITE

Bizkaia maite,  
atzo goizean ikusi zintudan  
soineko xuriz jantzia  
buruan orlegi, bihotzean sua  
lirain, sendo, eder  
nere gogoaren ertzatik pasatzen  
zure usain gozoa

lana, amodioa, itsasoa  
nere baitan sartzen.  
Atzo goizean entzun nuen  
zure berbaren oihartzuna  
zure kantaren fereka,  
bihotzean kilika  
eta oihartzunaren haunditasunean  
[murgilduz

joan nintzen jauzika, egaka.  
Bart arratsean  
arbasoen baratzen ondoan  
bertsotan eta dantzari lotu zinen,  
alai, piper eta gatza

sabel emankorra.  
Bizkaia maite,  
atzo goizean ikusi zintudan  
soineko xuriz jantzia  
buruan orlegi, bihotzean sua  
olerkari penatuaren gozo eta mina  
amodio eta kanta,  
zuré berba lehun  
zure gatzaren bizia  
zure burdinaren gorria  
dira gaur neretzat aterbe.

## ZORTEAREN KOLPEAK

Zortearen kolpeak joak.  
ameka negar  
herra  
gorroto  
irri, dantza eta malko  
irentsitako lur puska honetan  
suertatu naiz bizitzan,  
eta lurra egin nau  
asekaitz  
bizitza bizi nahi eta  
ezin  
argia ikusi nahi eta  
itsu  
iduzkiaren printzak ferekatu nahi eta  
otz  
amodioa urrupatu nahi eta  
motz.  
Hala ere errailetatik dagit  
grinaren oihu latza  
lartasunaren otsa  
bizi nahia oihu etsitua  
orai eta hemen  
ase ezina.



## AMODIOZKO POEMA

Gu, dantzari zuberotarrak ginen Estuerdoen  
[kortean  
eta ez ginen haien izkuntzaz mintzatzen.  
Horregatik, egun guztiz, oihuz genuen  
[dantzatzen.

Haien ondoan inguratutako ega-luze saldo  
[bat ginen  
eta zuk autobideko neskatxa maitea  
egunsenti-arte kantatuz lartandu ninduzun,  
urriko gau epel batean arrapatutako einara  
nerea.

Egun hartara itzuli nahi nuke  
emeki-emeki  
itsasori begira, begi itxiz,  
jiratutako itzulian barrena.

Neure behatzez gure herriko belarra  
[billatzen.

aizean gure herriaren erortea,  
Zarautzko zineetan begirada trixteko eta  
buruan aluminiozko xederadun neskatxa  
[billatzen.

gure herriko plazeetan Otsagiko «bobo»  
Pelikula mutueta ereduak  
Japoiko portabioietako lumez aztandu  
[ditugu,

tiburoien ortz eta aginen barrena ibilli  
[behar izan dugu,

geure seme-alabak itsas-ertzean eduki  
[ditugu

aingira eta itsas-trikuen eskumenean.  
Odolezko ohetan lo dugu egiten  
eta  
atzerriratzen gaituzten trenetako  
komunetan negar egiten

Bainan ez izu, maite,  
gure etxera inor ez dator orain.  
Gorbeian urtzen ari den elurra da  
ibaia arrotuak jausten dira,  
itoko ahal dituzte?

## BALIAREN BERTSOAK

Milla bederatzieun da  
lenengo urtean  
Maiatzaren amalau  
garren egunian  
Orioko erroko  
barraren aurrian,  
Balia agertu zan  
beatzik aldian.

Aundia ba zan ere  
azkar ibillian.  
Buelbaka an zebillen  
jun da etorrian.  
Ondarra arrotuaz  
murgil igarian.

Zorriak zeuzkan eta  
aiek bota naian.  
Ikusi zutenian  
ala zebillela  
beriala jun ziran  
treñeruen billa.  
Arpoi ta dinamitak  
eta soka billa.

Aguro ekartzeko  
etzan jende illa.  
Bost treñero jua ziran  
patrol banarekin.  
Mutil bizkor bikain  
guztiz onarekin.  
Manuel Olaizola  
eta Loidirekin,  
Uranga, Atxaga ta  
Manterolarekin.

Baliak egindako  
salto ta marruak  
ziran izugarri ta  
ikartzekuak.  
Atzera egin gabe  
ango arrikuak  
arpoiakin il zuten  
an ziran angoak.

Bost txalupa jiran da  
erdian balia  
gizonak egin zuten  
bai naijo pelia.  
Ikusi zutenian  
il edo itoa  
legorretikan ba zan  
biba ta txalaoa.

Amabi metro luze  
gerria amar lodi  
Buztan pala lau zabal  
albueta pala bi.  
Ezpañetan bizarrak  
beste ilera bi  
orraziak bezala  
ain zeuzkan ederki.

Gorputzez zan milla ta  
berreun arrua.  
Beste berreun mingain  
ta tripa barruak,  
Gutxi janez etzegon  
batere galdua.  
Tiñako sei pesetan  
izan zan saldua.

Gertatua jarri det  
egian alde.  
Au orrela ez ba da  
jendiari galde.  
Biotzez pozturikan  
asegintsu gaude.  
Gora oriotarrak  
esan bildur gabe.



## ASKATASUNAREN SEMEEI

Herri neketsu hontan  
polborazko lohitara  
euskal semeak boteaz,  
trintxeretako nekeaz  
gure barne muñiak ezituz,  
ukutzen zaigun izatearen  
funtsa lurrean errotuaz  
mendez mende gozoaz.

Gure begi legorretan  
askatasun egarriz  
nahigabea haunditzen,  
etsipenaren aurreko  
itsumenean,  
izar gidaririk ez.

Ez dator gugana  
jainkosa Mariren  
urrezko ileen dizdirarik.  
Ez eta, erreka garbietan  
lamiek kantatutako  
doñu lilluragarriak.

Ez ote inoiz  
beren urrezko orrazeaz  
sasi nahasi hau orraztera jexkiko?  
Ez ote gaitu  
Sugar zerutarraren sumindurak  
bere seme Jaun Zuriaren ikuituaz  
txertatuko?

Hor dire nunbait maite,  
gure errege-alaben  
setazko jantzi zuriak  
hor nunbait, izan ere  
oraindik usaindu gabeko  
lore freskoak,  
askatasunaren semeen  
parabisuan.

Amodiozko kontuak  
zilegi izango zaizkigunean,  
Euskal herriko haurrak  
berriro ere euskal ipuin xarmantez  
lotaratuko direnean.  
Gure arteko begiradak  
anaikorrak egingo direnean.  
Gure izatearen  
ardatza sendoaren bueltan  
garaipenezko kantuak  
entzungo direnean...

Orduan bai maite,  
gure lurreko belar gozoa  
zure eta nere soinean lizun bilakatuz,  
amodiozko mozkorrean murgilduta,  
zorabiozko jirabiretan,  
aragi daldartien hatsedenean,  
askatasunaren semei dei egiñaz...  
Gure munduaren astapena  
hantxen osatuko dut  
zure sabelean.



# ZUBEROA

## ZUBEROA I

Zuberoa, Zuberoa  
emakume edo igali  
izpilluen izpillu.

Ez dakit zure baitan erresioñolaren bat lo  
[ote datzan,  
ez dakit zure belardi-azpian inor pitxiak  
[lantzen

ari ote den, astiro.

Ez dakit ere arto-saillik ba ote duzun,  
ez eta zein den ere zure sagar-azalen  
[kolore.

Noiz dagi euri Zubeoan?

Nola dute begiratzen emakumeek  
[Zubeoan?

Nola da hiltzen Zuberoan? Nola?

Zutaz ez dakit deus ere

ez zaitut ezagutzen.

Bakarrik, zure kantaren bat entzun dut  
eta horregatik zaitut maitatzen,  
horregatik, bakarrik, nazu zure alde.



## ZUBEROA II

Zuberoa,  
gure herriaren ondamendi garratzaren  
[eredu

jainkozko mundua,  
zure azken atsetan ihauteriari zara lotzen.  
Ihauteri,  
bizitzaren soka-dantzan lehenbiziko jauzi  
natura eta bizi-endarren eraberritze  
[kosmozkoan

bizi sinestearen oinarri.

Zuberoko herria,  
ondatzen eta bersortzen diren naturen  
[arteko

eten gabeko borrokan  
beti garaile.

Zuberoko herria,  
lurrezko jakinduria  
jatorrizko bihia,  
munduko ardatza  
gure ardatzaren mundua,  
zuk asmatu dituzu kanta eta dantza  
klasiko-aurrekoaren eta betikotasunaren  
[orantza...

Jinkoak benedikata zaitzala.



Ozazeko Jauregia jauregia.

## PRIMA EIJERRA

Prima eijerra, zütan fidatürük,  
anitx bagira, oro tronpatürük.  
Enia zirenez erradazü bai al-  
ez, bestela banua  
desertiala nigarrez hurtzera.

Desertiala juan nahi bazira,  
arren zuaza, oi, bena berhala.  
Etzitiala jin harzara nigana,  
bestela gogua  
dolütüren zaizü, amoros gaxua.



Zuberoko grabado zaharra.

## OI ZUBEROA


Oi gure herria  
zer hintzen eta non hago.  
Zazpi mendeko gauean  
zanpatua  
itoa  
zikiratua  
ahuldua

eta  
ohitua bortxara  
alabeharrez  
ez ote duka jada kemenik  
hire hatsa sendotzeko?

Oi Zuberoa  
bizitzaren ametsa,  
negarra dagit sakonki,  
hiri so  
nere hatsa duk  
bihurtzen auhena,  
oi Zuberoa  
zer hintzen eta non hago.



Erriberri (Ollite)-ko xirolarru joilea. XIV<sup>gn</sup> mendea.



Santa Grazi pastoraletako artzaiak.

## MUNDIAN MALERUSIK

Mündian malerusik hanitx bagirade  
Bena ni bezañ denik ezta ihur ere.  
Nihaturen funtsetan nahiz izan jabe,  
Hamar urteren galerak enetzat dirade.

Desertüko ihiziak, jenten beldürrez  
Abisatzen dirade egoitera gordez.  
Ni ere, hurak bezala, gaxua nigarrez.  
Ene bizi trixtia kuntserbi beharrez.

Hogei eta bi urtik bete egünin,  
Emazte bat hartü nin ene zorigaitzin;  
Errahten ahal beituü zereki zeitan jin,  
Ene ürka büllhürra gorderik altzopin.



Etzahunia (Barkoxe).

## GOIZIAN ARGÍ HASTIAN

Goizian argi hastian, ene leiho-hegian  
txori bat pausatzen da eta goratik hasten  
[kantan.

Txori eijera, hain alegera, entzütan  
haidanian,  
ene bihotzeko tristüra laister duak aidian.

Ene txoririk maitena, zertaz jin hiz ni  
[gana

Iratzarrazi nialarik ametsik eijerrena,  
Jinik hain goizik, uste hiena baniala hanitx  
[pena?

Ez, ez, habil kontsolatzera malerusago  
[dena.